

A Si matrix foras exierit, aut tumorem habuerit, folia cicutæ, abrotani, ^{tal. herbe cæ} camphoræ, pinse fortiter, & pone desuper. ¶ Ad retinendum partum. Spolium serpentis cum mica panis dabis comedendum ^{phorate} nescienti, mire prodest. ¶ Ad matricem reuocandam. Testas ouorum gallinæ, ex quibus pulli excluduntur, incende, deinde superasperge picem nigrum, & superextende, & reuocabitur ex rotto. ¶ Ad excitandam mulieris libidinem. Sanguis uespertilionis in flocello lanæ collectus nescienti sub capite ponatur.

Depassionibus genuum, & tibiarum.

Centri galli succus, genibus, & cruribus ad ignem uel ad Solem illinitus omnem dolorem extirpat, & nerorum contractionem penitus tollit: probatum est. ¶ Ad ulcerata tibiarum. Fel caprinum cum resina & cerusa misce, & pone super ulceram. ¶ Emplastrum ad inflationem, que fit in cruribus, & in coxis. Stercus columbinum album cum fortii aceto mistum, & tritum, & in aluta inductum superpone. ¶ Aliud probatum ad inflationem, que fit cum rubore & calore. Farinam hordei, & fabæ tolle, & in aqua coque, & superpone. ¶ Ad omnem ulcerationem tibiarum, cicatricem, uel maculam nigrum, uel albam. Pulueris plumbi usci facti cum ligno auellanæ, aut lentisci. 3. viij. olibani, myrrhæ, aloes, mastiches an.

B 3.i. oleum uiride, & modicum aceti exagita miscendo in corpus unum, & in folijs hederæ inductum superpone. ¶ Ad tumorem genu. Fac bullire radicem brusci bene, & postea pinse cum axun-^{tal. salve} gia, & paucō ^t saluiæ & infascia, omnem tumorem tollit. ¶ Vnguentum ad tibias fractas de phlegmate salso. Folia persici, hederæ terrestris, colophoniæ, picis, oleum de spica, oleum commune, sepum, & ceram, & lithargyrum de auro. ¶ Ad dolorem genuum. Bibe succum rutæ. ¶ Pro dolore podagræ. Tere, & fac puluerem de gith, & unge ubi dolor est, & superpone stagnum, & insuper stuppam unge de ipso puluere, & statim dolor recedet. ¶ Vnguentum ad idem, & ad qualemcumque dolorem. Rx. mastiches, olibani ana. 3.i. adipem ursinum, et albumen ouorum insimul misce, & accipe cymulas uirides len-^{tal. assyricus} tisci, & tolle ex eis succum, & adiunge uetus oleum, & distempera, & fac unguentum theodori-
con emperiston, ischiadicis, & podagricis subuenit, idem facit philanthropos. ¶ Ad idem. Reci-
pe gariophyllorum, zingiberis, cinnamomi, an. 3. iiij. hermodactylorum. 3.v. costi, diagridij an. 3. iiij.
mel quod sufficit. Item ad calidam podagram, succus radicis filicis cum oleo roseo mistus, & in-
unctus prodest.

Ad hominem subtiliandum.

Puluis ciricus uel ciricon ^t utilis ad pingueum hominem subtiliandum, & crassiciem superfluā deponendam, ita ut ad temperiem tenuitatis, & siccitatis patientē deducat. curat etiā leprosos, & herniosos, pruriginosos, & scabiosos: & si quis hoc usus fuerit, podagrico, uel arthritico, seu alio aliquo dolore non molestabitur. Quicunque hoc puluere fricari uoluerit, in balneo postquam sudare coepit, fricitur, & hoc tribus diebus uel amplius interpositis. diebus autē quibus utitur, nullo alio unguento patiens fricitur. à pipere, & salsamentis, & acrimonij caueat. Recipe [nitri assati] myrrhæ assatae, sulfuris uiui, opocissi, id est succi hederæ, iridis illyricæ an. 3. iiiij. baccarum lauri siccatorum, sampuci, ellebori albi, pumicis marini assati, chameleontis nigri, pyrethri, sinapis, gallæ alexandrinæ, peucedani, pollinis foenigræci, cimoliæ, tartari, aristolochiæ longæ & rotundæ, gith, orobi, piperis nigri, caulis agrestis, struthij, cardamomi, marrubij, cantharidū, succi siccii elaterij, an. 3. iiij. confice sic, hæc omnia subtiliter tere, & in uase uitreo conde, & quando opus fuerit, utere. ¶ Electuarium ad idem. Rx. gariophyllorum, spicæ, galangæ, zingiberis. an. 3. f. sacchari libras duas & semis. musci. 3. i. faccharum coque cum aqua rosata, & ipsa pigmenta pinse diligenter, & misce cum ipsa faccharum, super ignem semper agitando, & quando decoctum fuerit, infunde super marmor. ¶ Ad hominem nimis crassum. Imple patellæ floribus auellanæ, & superfuso uino agita fortiter, & bulliat die ac nocte, & semper quando siccatur, funde uinum, & cola, & bibat ieonus. 3. iiiij. per dies quinque, & comedat ad prandium, hoc faciat mense Februario. ¶ Ad idem. Tolle tartarum, & fac puluerem, et de omni cibo intincto in eo comedere. desiccat enim pinguedinem. Hiera rufina scabiosis, & leprosis utilissima est. ¶ Vnguentum ad mala nascentia. Aloes, olibani, mastiches, myrrhæ, arsenici, boli armeni, colophoniæ, sandarachæ, terebinthinæ, æruginis campæ, spumæ argenti, galbani, ammoniaci, sagapeni, resinæ, gummi persici, picis naualis ana lib. ij, tragaganthæ, aristolochiæ longæ, gomphitæ, castori, floris plumbi an. 3. iiiij. ceræ libras duas, sepi taurini. 3. iiiij. ¶ Oleum frumenti ad scabiem, & ad herpetas, quod ita conficitur. Pone frumentum inter duo ferramenta calida, & exprime fortiter oleum. ¶ Ad sacrum ignem. Accipe picem, & uitellum oui crudi, & fac emplastrum, & pone desuper. Vnguentum etiam de oleo frumenti probatum est.

¶ Ad morfeam nigrum. Erysimum cum uino bibat, & sanabitur. ¶ Ad sanguinem stringendum undecumque exeat. Testiculos in aceto pone, pedes infrigida, & statim cessabit. ¶ Ad carbunculos. In primis ligam malas coctas cum butyro uel sagamine, & appone, & mutetur in die, deinde appone emplastrum istud, quod carbunculum cito aperit. Recipe sicuum pinguium passarum, cepæ coctæ, galbani, ammoniaci, lactis mulieris, maluarum coctarum, carbonum, uel cinerum uitis uineæ, testudinis uiuæ unius, pinguedinis porci recentis uel ueteris, & quale pondus, tere, & appone, usque dum aperiat. ¶ Ad idem. Accipe cinerem pruni, & distempera cum uitellis ouorum, & pone super, & postea accipe ficus siccas, & parum olei, & arsenici, & tempera totum simul, & appone, dein de ap-

GAL. ATTRIBVTVS ALTER

de appone terebinthinam, & galbanum, quando putredo exire cœperit. si multi carbunculi exierint, tolle sanguinem de brachij, & da laxatium. ¶ Ad pustulas quas habet infans in manibus & pedibus ultramodum. Accipe scyllam, & hyoscyamum ipsam herbam, & sambuci frondes, equo pondere, & pinsito, & coque in aceto inde multum, & appone. ¶ Ad omnia apostemata exteriora, siue tumores. Agrimoniam, uerbenā, quinquefolium, æquis si teres & impones ponderibus, cum aceto coquas adiecta semper uia sanabis. ¶ Ad rumpendum apostema. Fermentum, olibanum, axungia, lac foeminae. ¶ Ad apostema subtilandum. Libysticum feruefacias in aqua, pinsito cum pinguedine, & posne desuper. ¶ Ad sacrum ignem, uel calorem membrorum, qui per aliquam occasionem nascitur. Ex. Sisymbrij, rutæ, rubi, solani, omnium quatuor cymarum. M.i. radicis lilij domestici. 5.i. aloes. 3.ii. cymini. 5.i. albumen oui unum, aceti phialam unam, olei phialam unam. prædictas herbas tere fortiter, & succum earum cum prædictis commisce, fortiterq; cola, & cum penna unge loca languentia, & miraberis. ¶ Ad scabiem. Radices lapatholi coque, & axungiam porcina cum eis uehementer tere, & argentum uiuum cum cinere & sputo distempera, & cum eis misce, & uehementer confice, inunge, & miraberis. ¶ Vnguentum ad pustulas, uel lepram, siue pruritum. Florem tithymalli cum aceto coque fortiter, & oleum modicum misce, & inunge usq; dum sanus fuerit.

De modo cognoscendi cancrum à carbunculo.

† aP. centum,
lia.

† aP. non.

Sic poteris cognoscere cancrū à carbunculo, in principio carbunculus quippe durus est, & rubens nimis & ardens, & dolet quamplurimum in ossibus & neruis, & cito facit caput. Sed cancer non tantum rubet, neq; tantum dolet, sed durior est, & non tam cito facit caput, & plus occupat: qui quando mollescere incipit, perfora cum ferro quasi carbunculum & nepitam, apium, betoni cam, agrimoniam, chama dryon, trifolium, satureiam, pimpinellam, subtusillam, carduum, fragifolium, millefolium, añ. M. unum, teras, & cum uino & pipere dabis in potum mane & sero. Quæ alia optima, sed ualde grauior. Aloes drachmas duas, aristolochiæ longæ drachmas quinq; sanguinis draconis drachmas tres, castorij. 3.ii. pæoniæ. 3.v. thuris, myrræ añ. 3.iiij. ammoniaci. 3.ii. succis uæ uel foliorum añ. 3.iij. decoque usque ad dimidium lento igne, ipsum q; in uase picato mitte, & pigmenta in linteolo mundissimo ligata in medium liquorē pendere facias, & de populo arbore puluerem facias, de supradicta potionē calicem medium dabis quotidie, & de puluerē populi quantum tribus digitis leuare poteris in uino cocto distemperato. ¶ Ad idem. Accipe album secessum canis, prasium, plantaginem. añ. 3.ii. calcis uiuæ. 3.ii. pulueriza totum, & supra malum ponre, & postea pone unguentum marciaton, mane, & sero muta illud, & ablue in omni mutatione de uino calido. Si uero aliqua pars mortuæ carnis remanserit, abscinde cum ferro. Si autem longi temporis fuerit malum, & per prædicta sanari non poterit, oportet incidere circumcirca, & postea apponere prædicta. ¶ Ad idem. Lenticulæ, quæ in stagnis nascitur, uel fontibus, uel alijs aquis, succus supra cancrum positus eum occidit. Similiter facit doliachæ succus cum porcina pinguedine mistus, & ipsa herba pinsita & superposita cum succo & pinguedine dictis prodest ualde. ¶ Ad idem. Succum ebuli, succum aristolochiæ rotundæ, aut puluerem eius, & albumen oui fortiter commisce, sed non ut durum sit, sed molle, & taliter totum cancrum ex eo penna linies, & de frondibus septemneruiaæ illum cooperies, sed per singulos dies mane & sero mutabis, & quando mutare uolueris, cum penna in uino infusa cancrum prius ablue, & unge doctrina supradicta. ¶ Puluis ad cancrum. Calcis uiuæ nouies abluta, nouem grana piperis, auripigmenti, aceti, & mel-lis & farinæ hordei, fac focaciolam, & sub testa coque usque dum incendatur, & pinsito, & fac puluerem, & ubi opus fuerit, mitte. ¶ Vnguentum ad serpiginem, & carnem mortuam manducandam. Recipe aristolochiæ rotundæ, radices enulæ, cortices caprifici, cortices alburni, lotium hominis, hæc omnia simul coque fortiter, postea pinse, & confice cum axungia, & utere. ¶ Ad cancrum. Vlcus primum fortis & calido aceto bene laua: deinde cum panno ligneo detergendo exicca, quo facto, puluerem gallæ subtilem supersperge, hoc fac bis uel ter in die, donec sanetur. ¶ Ad idem. Sume menta-strum, & eo siccato fortiter frica inter manus, cui mentastro tertiam partem salis misce, & simul omnia fortiter tere, quibus tritis super stipites ardentes pone, ut utruncq; bene comburatur. quod quando fuerit combustum, bene iterum teratur, quorum puluis ter in die aspergatur. ¶ Pro carne sananda. Linguæ bouis radicem tere, succum cuius ut pastillum superpone. ¶ Res probata ad cancrosa uulnera, quæ depascuntur in circuitu. Accipe quotquot habere poteris felicitorū, & scinde, & extrahe succum, ut sit dimidia phiala, sed prius laua plagam de uino tepido, et tunc accipe tres pe-ciolas de pano ligneo, & in succo illo infunde, & ad ignem calefactæ una post aliam super uulnus apponantur, & postea de farina tenuissima panis hordeacei cum supradicto succo eidem plaga superponatur. ¶ Ad cancrum res probata. Caput gruis & uetriculum cum petris omnibus quæ in eis sunt siccata in furno, & fac puluerem, & supersperge. hoc non solum cancrū, sed omnia uulnea sanat. ¶ Item aliud probatum ad idem. Mustellam uiuā mitte in ollam nouā, et bene cooperi de tegula & argilla, & mitte in furnū calidum, & ea combusta fac puluerem, & de ostreæ testa similiter, & asperge, & post diē tertium laua de uino. ¶ Probatum ad fistulam. Accipe terrā francigenā, & gale-tū, id est gallam rotundam, & pulueriza, & pone desuper, & sanabitur. Cortice quercino siccetur fistula primo, Postea sanatur, si numia sape bibatur. Maiorum pulueris hominū rapta sepulchris.

F

H

Qd

A Ad scabiem probatum. Accipe sigiam græcam, & olei cōmunis partem.i. & duas aceti, & coque in modum unguenti, & unge in balneo. ¶ Puluis ad cancrum. Rx. atramenti, sarcocollæ, amenti salis et dulcis, salis gemmæ, olibani, mastiches, añ. 3. i. piperis. 3. vi. ¶ Ad idem. Brancam lupinam quæ in ferius est rotunda tere cum sale & fuligine, & parum de sanguine, & pone eo mortuo. Ad sanandum, puluerem aloes pone. ¶ Ad carnem malam, uel ad cancrum. Pinse tartarum fortiter temperatum cum melle, & mitte in panno lineo, & liga cum licio, & mitte in foco ut ardeat, & fac puluerem, et superpone. Item testam allij, fabas, & panem frumenti incende in olla, & cum isto puluere misce puluerem gallæ, & salis, laua prius de uino; & postea sparge de hoc in die bis uel ter.

De fistula.

Ad fistulam. Radicem lapathiolí, qui rufum semen habet in fistula mitte: & donec purgata fuerit, per singulos dies singulas radices mutabis: & quando purgata fuerit, cognosces, quia non ut aqua pus, sed quasi putredo fluit tantum: quando autem hoc uideris, hoc unguento sanabitur. Rx. pīcem, galbanum, ammoniacum, aloen, sepum porcinum nō multum, ceram, & parum olei, prædictas guttas, & gummi genera, & pīcē, & aloen æqualiter commista liqua ad ignem, & postea ceram, & sepum semotim liquefacta desuper addas, & agita donec conficiatur. ¶ Ad fistulam. Raphanū

B puluerizatum, & quolibet modo fistulis immisum, antea tñ ex aceto ipsa fistula ualde abluta, ualeat. & modo quoconq; superpositum. & infra, uel intra eā liberat. ¶ Ad idem. Sume herbam escuminatam nomine, & tere, cuius succum infirmanti mane, qñ ieunus fuerit, da ad potandum: et de ipso succo per ipsum foramen pone, donec sanus fiat æger. Item accipe costā folij raphani, & mitte usq; ad profundum plagæ ita, ut sanguis egrediatur, aliquanto aut spatio intermissio accipiatur fel taurinum, & calefacito ita, ut duriciē perdat, & ossa gallinarum cōbusta, & in subtilissimū puluerē redacta, ex his ellychnium cōponatur, & ad fundum plagæ mittatur, & interdū ellychnium de cōbusto puluere saccharo aspergatur, & ipsum interdū minuas, donec sanetur fistula. Ad idem. Sepi arietis. 3. i. gummi. 3. f. colophoniæ. 3. h. f. opononacis, aristolochiæ longæ, sarcocollæ, æris uiridis añ. 3. ij. cerae citrinæ. 3. ij. tereda tere, & de oleo parum pone, ut possintibi tēperari, & super ignē pone donec sepū & gummi genera liquefiant, & utere qñ opus fuerit. Ad fistulas tollendas: & uer mes occidendos. Succum plantaginis mitte sāpius. ¶ Item ad idem. Potentillam bibat per dies. xxx, probatum est. ¶ Ad fistulan claudendam. Thus masculum diligenter tere cū uino ueteri, & inde perunge. ¶ Ad idem. Accipe in primis de carne salsa lardonē, & mitte ibi per. iiij. dies, & postea emplastrū fac hoc modo, accipe frondes libystici syluatici, & tere fortiter, & misce ibi de sale cocto C puluerizato tñ, quantū sunt frondes, deinde adde axungia ueterē sufficenter, & tere omnia hæc in simul, & fac emplastrum. ¶ Ad idem. Accipe tithymallum cū sua radice, & mitte in cibano ut exiccatetur, & fac puluerē, & insuffla intus. Item accipe piper, aloem, galbanum, ceram, & oleum, & fac emplastrum, & utere. ¶ Ad idem. Pone emplastrum de farina, & alburno, & sinapi, & sale cocto, & de calce extincta, & de sapone spathulano, & de capitello per. ix. dies, deinde teres tres cymas rubi, & tres urticæ per tres dies. Item piper, allium, ficus siccias, radicē petroselini misce, & tere simul, & fac emplastrum, & superpone, & statim interficiet. Itē accipe marmor quod uidetur esse sicut sal, & fac puluerem, & insuffla intus. ¶ Ad idem. Accipe farinam lupini, raphani, sinapis, mel arsum, alburni carbonem, omnibus tritis distēpera cum sapone spathulano, & admisto de capitello fac tentam de licio torto ad mensuram fistulæ, & ablue eam mane & sero de capitello.

De paralysi.

Hiera fortissima. G. theodoricon emperiston, potio sancti Pauli, & opopyri, paralyticis, arthriti-
cis, & alijs diuersis causis succurrit. ¶ Potio ad paralysin Ioannis filij Liguri medici. Rx. mandragoræ. 3. iiij. castorij. 3. iiij. piperis grana. ccc. nepitæ, manu plena, uini optimi phialas. xxiiij. bulliat ad medietatem, & ieunus bībat phialam. i. & usq; ad nonā ieunet. ¶ Ad idem. Rx. saluiæ, satureiæ, dictami, sauinæ, menthæ nigræ, cerfolij, foliorū teneræ lauri, quinq; foliæ, betonicae, febrifugæ, peucedani, agrimonæ, pīpinellæ, artemisiæ, chamædryos, hyperici, millefolij, balsamitæ, pulegij, trifolij, hypocystidos, hyssopi, prasii, origani. añ. M. i. dabīs cum uino. probatum est. ¶ Unguentum ad para-
lysin. Rx. sauinæ pulueris, saluiæ, menthæ, ocymi, pulueris urticæ, balsamitæ pulueris añ. unc. ij. olei lauri phialam. i. cera lib. i. olei. 33. añ. vi. omnia arbitrio tuo tere, & coque, & unge. ¶ Ad idem. Herbam centumneriam, idest barbam syluanam laua cum. ix. aquis, & tere, et in succo adde duo cochlearia mellis, & sic unge digitos in phialis, da primo galli cantu, si laxat non euadet. ¶ Item ad arthriticum dolorem. Accipe micam panis madefactam aqua, & tere, deinde distempera cum succo morgellinæ, uel solatri, uel portulacæ, uel semperiuæ, uel alicuius refrigeratiuæ, deinde superponet loco dolenti, primū inuncto oleo roseo, postea uero ne nimis loca neruosa desiccentur, adde emplastrum hoc. Rx. radicem altheæ, atq; semen lini, & coque in aqua, atq; fomenta, ad ultimum, accipe farinam lentis, & coque in quatuor partibus mellis, & aqua quantum sufficit, & sic superpone. probatum est. ¶ Unguentum ad guttam. Rx. radicis bryoniae, corticis medianæ, sambuci, absinthij, rutæ, saluiæ, hederæ, chelidonæ, arnoglossi, saliuncæ, aloes, thuris, mellis, olei, cerae quantum tibi uidetur, & confice. ¶ Emplastrum ad idem. Absinthij, radicis eboli, furfuris tritici, sterco-
ris caprini, fac puluerem, acetum mitte in cacabo, & salis satis, fac bulliat fortiter, & superpone. ¶ Item

GALENO ATTRIBVTVS AL TER

¶Item unguentum ad guttam. Rx.rutæ, hederæ terrestris, absinthij, abrotani, barbæ louis, omnium a. M. E. i. sauinæ. M. ij. simul tere, & coque in oleo, & butyro, & adipe taurino, uel ueruecino æqualiter, co la, & ubi cunq; fuerit gutta unge, & postea in albo panno indue, & pone.

De ratione medendi ad os fractum.

Recipe betonica, uiolæ albæ, panem mundum ad cernendum, melangiæ, hederæ terrestris, pilosellæ, agrimonæ, unimphæ, saluiæ, ne intumescat. Item betonica sanat & tollit dolorem, saluia aufert dolorem, hedera terranea curat & mundat, uiola sanat, (plantago soluit dolorem & mundat: agrimonia & pilosella sanant,) melagia iuuat ut nō claudatur uulnus. q; si ex omnibus his habere non poteris, accipe saluiam, betonicam, hederam terraneam, uiolam, agrimoniam, plantaginem, contere, & succum uino mistum, donec sanus sit æger, solum accipiat potum, folijs superscriptorum deficientibus, radices indifferenter, aut puluerem ad eundem accipies usum. Abstineat uero patiens ne comedat herbas, caseum, lac, fructus, carnes nisi de castratis, oua, & panem nisi azimum, pultes. ¶Ad idem. Rx.farinam de germano, idest de silagine partes. ij. absinthij partē unam, tere, & misce cū melle, & panno impone, & de raso lardo superpone ei, & super plaga posne bis mutando per diem.

De plaga.

Ad plagam. Pilosellæ da succū bibere, si reiçit, morietur, si nō, uiuet: prima die plantaginem, et fragam in uino dabis, secunda die gariophyllatam adiunge prædicto uino, tertia die pilosellam, quarto die pimpinellā, quinto die hederā terrestrem, septemneriā sexto die, trāfactis uero diebus septem, subtrahere debes singillatim, è conuerso incipiens ab hedera usq; ad primam que est fraga. ¶Antidotum contra plagas. Angelicam, betonicam, agrimoniam, pilosellam, hederam terrestrem, septemneriā, uiolam minorem de angelica, coque in uino, & potet tribus uicibus in die. Si sanguinauerit plaga, cum cultello minutatim incide urticam, & intinctā in fortī aceto, pone in plaga: statimq; cessabit sanguinis fluxus. ¶Vnguentū ad plagas. Anguillas coque in aqua, & collige adipē qui supernatauerit, & de gallinis, & de anseribus, & de scrofino sine sale, saluiæ succum, rutæ, absinthij, hederæ terrestris, linguæ canis, artemisiæ, matriculæ, cicutæ, herbæ citri, hyoscyami, strychniboli, olisbanii, aloes, myrræ, ammoniaci de speciebus a. 3. i. farinæ de molendino collectæ in gyro, dactyli ossium, croci orientalis, sandali, acaciæ, ceræ quantum sufficit, ut album fiat. ¶Tractum ad aperiendum, purgandum: sanandum dolorem, & carnem mortuam, & carbunculum auferendum. Rx.succi ebuli, absinthij, cymarū rubi, urticæ, carui, apij, omnium æqualiter, mellis cochleare unum, & albumen unius oui gallinæ, farinæ siliginis, uel cuiuslibet eorum que sunt ad tenuitatem, confice sic: succos G & cætera pone in vase, & commiscendo exagita, donec spissum sit & tenax, si plaga profunda sit, pone ex hoc ellychnium perunctum: si uero patula. i. plana, pone super pannum donec sanetur: si uero tractū nimiū desiccatur, renoua cū succo solius apij. ¶Vnguentum ad plagam. Rx.ceræ citrinæ 3. f. picis, colophoniæ a. 3. ij. f. sepi arietis. 3. ij. infunde cū oleo, & pone super ignē donec unguentum fiat. ¶Potio ad plagos. Betonicam, agrimoniam, fragifoliam, asari, uiolæ, linguæ bouis, ambrosiæ, plantaginis minutæ, quinq; folij, hyperici, picis, linguæ ceruinæ, pimpinellæ ad. M. i. tere, tal. uini. & addet aquæ lib. ij. mellis cochlear unum, cola, & appone piperis grana. c. & quanto frequenter biberit, tanto celerius sanabitur: sed à uenere abstineat, & omnibus cōtrarijs. ¶Ad idem. Fac sagimen de lardo, & accipe mel, & farinam de sigale, & uinum, & coque simul, & mitte super plагam, mire curat & sanat. Item succus apij, & albumen oui, quibus adde puluerem thuris, & tantū de farina frumenti ut satis spissum sit. ¶Ad capitis plagam sic fit. Diligenter inquire utrum longa sit, an non: an os fractum sit, an non. His præmissis, si profunda fuerit, & testa rupta, primitus capillos tonde, & deinde pāni ellychnium absq; ullo medicamine, uel lardi siustum excoriatum, iuxta plагæ quantitatem incisum, in ipso ossis hiatu, ne sanies irruens meningas sua putredine extendet, uel aliquid morbi generet, pone: & post pone primo embrocham, quæ sic fit, uinum & oleum, & panem non ex toto atsum fac feruere in sartagine, uel aliquo vase: deinde unguentum fuscum unaquaq; die in plagella pone. memento tamen ut prædictum ellychniū semper adsit donec caro crescat: q; si os ruptum non fuerit, sue cum acu in duobus uel tribus locis. hoc dico si plaga magna fuerit: deinde tonsis capillis, embrocham prædictam ad prædictum terminum, & unguentum fuscum in plagella pone. ¶Ad plagam profundam cum lancea factam in qualibet parte corporis excepto capite. Primum pone lardum quantum tibi uidetur, & unguento fuso unge: & tunc pultes hoc modo composas pone. Vinum, farinam, oleum commune, mel, rutam, saluiam, absinthium, trita cum axungia porcina omnia æquali pondere fac feruere in sartagine: quo facto, cū panno superpone quo usq; plaga desicetur. memeto ut unaquaq; die bis mutetur, nisi prima die, & lardum impone semper æqua quantitate usq; ad vii. dies. deinde unaquaq; die, prout caro solidescet, paulatim minue, quo usq; plaga clausa videatur: & tunc impone emplastrum aliquod. in capite autem nō oportet imponere pulte hanc, sed embrocham prædictam: quia non conuenit nisi pili nascantur, propter constrictionem pororum. ¶Vnguentum fuscum sic fit. Rx.olei lib. i. sepi, ceræ a. 3. vi. picis. 3. ij. saluiæ, sisymbrij, lentisci, sauinæ, allij, cymarū rutæ, a. M. i. confice sic. Herbas cum suo diu contusas cū oleo coque, & cola, deinde ceram adde. ultimo picem, quādoq; liquefactū fuerit remoue, & usui reserua.

A referua. **P**otio ad plagam sanandam. **R**eg. agrimoniam, betonicam, saluiam, plantaginem, folia hederae terrestris, herbæ uenti, pinsitis his, confice cum uino, da bibere quo usq; sanus sit. **E**mplastrum ad plagam sanandam. **R**eg. farinam siliquinis, absinthium, oleum de oliua, axungiam porcinam ueterem, mel quod sufficit. **V**nguentum album. **R**eg. cerus. 3. iiij. lithargyri. 3. iiij. mastiches, condisi an. 3. i. f. olibani. 3. olei rosei, & aceti quod sufficit.

Ad ossa fracta.

Ratio medendi ossa fracta hæc est: primum prouide ut leuissimis manibus aptes ad propriū locum male incisas fracturas: quo facto, sal, & mel in sartagine compone, & diutissime feruere dimitte, & prout pati poterit calidū superpone cum stappa, aut bombace, deinde lignula recta plana ad inuicem restibus concatenata circumliga: hoc per triduum fieri necesse est: post triduum uero, reiectis his diu aqua calida fomenta, & facta fomentatione, agrippa, aut dialthæa, aut marciato circumlinies, & bombace, uel stupa circumuolue: & sic unguētum circumuolue, & circumligare, & fomentare contemplata ætate bis in die mane & uespere oportet: usq; ad xx. enim dies solidantur: habita tñ diligentí cura: iuuenis uero usq; ad xvij. dies, senum autē usq; ad xxi. uel xxij. uel xxvij. puerorum itaq; expectatio usq; ad xv. dies. In his ergo diebus constrictorium iuxta prædictam rationem facies ita. **R**eg. olibani, mastiches, ceræ, boli armeni, æquali pondere, ceram solue, & horum puluerem triconizatum supersperge: & ad modum cerotū coque, & tepidum superponere. memēto tñ ut prius sapone, et aqua calida, uel aliquo tali optime lauetur: et sic cerotū superpone. non enim adhæret appositum, propter unguentum. Oportet etiam scire si ulcus affuerit. non enim debet apponi in ulcere. Quòd si aliquo casu accidente disiuncta fuerit, ex utraq; parte trahatur manibus: ut ad pristinum locum redeat iunctura: quo facto, palma utrarumq; manuum locus constringatur, & postea fomentetur aqua calida: deinde circumliniatur agrippa: & tabulæ superponantur. huius autem mutatio fiat de tertio in tertium diem semper cum fomentatione, & post, suprascriptum constrictorium appone. Si qua uero costarum hominis fracta fuerit & interius pliata, costam hoc modo reduces ad exteriora: fac cōstitui ignem longum ad longitudinem hominis, & nudus calefaciat uentrem et costam. tunc uero habens mel coctum, unge manus utrasq; ex eo melle, & paulatim manibus perunctis blande tange locum, & trahe suauiter: sic saxe facies trahendo, donec æqualis sit alijs costis. deinde marciato, cæterisq; unguentis foueatur, & emplastrum apostolicon, uel diachrysu, uel aliquod quodlibet, donec sanetur, exterius ponatur. **E**mplastrum diachrysu, quod latine aureum dicitur, oīsum fracturam sanat: parotidas, glandulas sanat: pleniticum, callum pedis, & hemicranium mire curat: apostemata, & nascentias, & carbunculos dispergit: emprosthotonum, uel cui in capite, uel ceruice, uel scapulis nerui contrahuntur, & omnem indignationem, uel phrenitum infantium sanat. **R**eg. colophonie, resinæ an. 3. iiij. olei. 3. iiij. picis lib. i. olibani, auripigmenti, aluminis an. 3. iiij. aceti quod sufficit. Parotidas, glandulas sic incidas, cutē superincide ferro: deinde cum hamulo ferreo subtilissimo glandulas ad te trahe, & tandem abstrahre pelliculas circumcidendo cum spathula, donec omnes uenulas earū habeas: & sic embrocham de panno incenso superpone, uel aliquod idoneum, ut sanguis stringatur et sanies, embrocha tūc cauatura lauetur, deinde unguentum fuscum apponatur.

De osse fracto.

Potio ad os fractum. Cerebrum canis cū aceto calido distempera, & superpone in panno lineo. per tres dies dimitte. **P**item ad os fractum uel scissum. In simul albumen oui cum stappa induc, & circumduc, & desuper liga. **P**ad idem. Ceræ nouæ, ammoniaci, rosæ, myrrhæ, croci an. malagma facito: & in linteolo apponito. **T**ractum ad omnem plagam. Aloes, myrrhæ, olibani, mastiches, an. 3. i. picis, ceræ, colophonie, an. 3. iiij. sicca tere, liquida solue. cola per linteolum, fac magdalionem.

De febribus, & diebus timendis.

Rubra ad febrem tollendam. **R**eg. cymini, cozumbri, myrrhæ, anisi, croci, dauci cretici, hyoscyami, D an. 3. i. opij. 3. i. seminis apij. 3. i. mellis quod sufficit. **H**ydropoton ad febrem quotidianam, tertianam, sed maxime quartanam, & ad omnes accessiones & angustias, somnum facit, fastidium tollit, sudorem prouocat. **R**eg. ameos, myrrhæ, anisi, croci, hyoscyami, opij. an. 3. iiij. chamædryos, apij, petroselini, spermati mandragoræ, thuris an. drac. i. mel quod sufficit, dabis cum aqua calida. **A**d quotidianam. Si cum typo fuerit, accipiat potionem rubram cum hydropoto ante horas accessionis, post bibat aquam frigidam. Si uero frigus fuerit, magnum uinum bibat, aut aquam calidam. Si uero non profuerit istud, accipiat panchreston, post bibat mulsum. Si uero stomachus fuerit plenus humore, ut uomat, bibat oxymeli, quod recipit aceti phialas. ii. mellis lib. i. seminis radicis, & atriplicis an. unc. i. quæ coquantur usque ad medietatem, & ante accessionem bibat, & ieunet una hora, postea si non uomuerit, accipiat aquam calidam, & bibat. De cibis, ius album manducet de gallina confectum cum oleo phar. porcellos, hœdos. de uolatibus, fasianos, turdos, perdices, ficedulas. de piscibus, saxatiles, aut assos, aut elixos. de pomis, mala cydonia, & uvas, & mala granata. de uino album & leue. **P**otio probata ad frigiditatem, & febrem. Recipe seminis trifoli acuti, oponacis, serpylli. an. drac. iiij. anisi, foeniculi, amyli, apij an. drac. ii. farinæ orobi unc. i. hæc simul tere, & pone in uino bono paululum, & post colligantur in modum uictorialis ponderis. scrup. iiij. dantur cum uino calido. **E**lectuarium quartanarijs, & quotidianarijs. Recipe siler, piper, amyli, marathri an.

GAL ATTRIBVTVS AL TER

3.i.33.pyrethri añ.3.iij.gariophyllorum, galangæ, añ.3.i.mellis quod sufficit. ¶ Ad quotidiam, tertia-
nam, & quartanam. Rx. rosarū.3.xx.sacchari.3.xl.costī dulcis, rheubarbari, arsenici, cinnamomi, nardi,
mastiche, spodij albi, sandali citrini, & albi, berberis, gariophyllorum, croci. añ.3.ij.tere, & confi-
ce cum syrupo uiolato. dosis eius.3.iij.ante accessionem, & post. Epithema ut sudor febris exeat. Se-
men lini fac bulliat in aqua, induc in panno, & pone super stomachum. Ad quotidianas acutas in estate.
Si habuerint turbidā urinā, ex sanguine est. Prima, uel secunda die, uel usq; ad septimam phlebo-
tomabis. Si nimius feruor irruerit, hoc fac emplastrum, uel epithema, quod ualet ad febrē acutā,
Succum solani tempera cum farina hordei, & induc in panno, & pone super stomachum. Item pa-
nem assatum diu, ita ut fiat uelut carbo extinctus, postea tere, & cribra puluerem, & tempera cum
uino, & fac epithema. Dieta utantur tali: succo ptisanæ expurgato hordeo. nam hordeum positū
in aqua una nocte, tundatur, & ad mensurā unius phialæ ponatur in phialis quindecim aquæ, &
coquatur lento igne usq; ad tertiam partem, & coletur per linteolū, & utantur farre molli. & de po-
mis, malo serico, aut dulcibus amygdalis, & pane in aqua, & de electuario supradicto. Quod si in
tempore autumni uenerit, & sine typo fuerit, similiter curabitur. Si cum typo, uomitū prouocabis
cum aqua calida, & oleo, aut cum oxymelite suprascripto, & si fuerit constrictus, oxymeli cathar-
ticū dabis, quod conficitur sic. Mitte acetum, & mel, & elaterij. 3.f. uel fm uires ægroti. De cibis, F
superius dictum est. Quod si fuerit solutus, cibos stypticos damus. potu utere uino græco. Si uero
in suo tempore uenerit cum typo, aut sine typo, primum catharticum dabis ad phlegma deponē-
dū. i. diacalamintes cū adriano, uel omnes potionē calidas, ut picra, musa, athanasia, hydroco-
pion cum aqua calida: cibos suprascriptos: pannis autem, aut ceronium, aut oxyocroceū cum ce-
rotis. Cataplasma recipit hæc, Mīcam panis, fabæ, absinthij, farinæ fœnigræci, omnia æquali pon-
dere, confice cum ouo mollī assato, & cum oleo laurino, aut cyprino, & induc in panno, & supra
uiscera impone: expertum est. Si autem in tempore ueris, curabitur cum potionē rubræ & esdræ.
Cibos autem dabis, gallinas, carnes porcorum, & omnium uolatilium: de leguminibus, cicer, far-
de oleribus, fœniculos, betas, coctana: de piscibus, saxatiles: uinum album & leue.

De febribus tertianis cum typo.

¶ Ad febres tertianas cum typo. Musam potionem ante accessionis horam accipiat, & post bibat aqua
calidam. ¶ Ad duplices tertianas. Utatur hydrocopio, & musa, & rubra quasi una potionē. Ad ter-
tianam mistam quotidiane. Panchresto, & rubra, hydrocopio, quasi una potionē utantur. Ad tertianas
acutas. Si uomitu egent, ponatur mel, & acetum, quibus adhibeantur atriplicis. 3.iij. & utantur. G
Si cōstipati fuerint, accipias pulueris uiolæ 3.f. & bibant interpolato dīe cū aqua frigida, & utan-
tur epithemate, quod recipit farinæ hordei. 3.iij.rosæ siccæ. 3.i.sandali albi. 3.f.spodij. 3.ij.mastiche
3.i.camphoræ. 3.i.tempera cum succo solani, et quasi unguento ungātur: & utantur desuper tegu-
mento stupræ: & bibant quotidie succum mali granati mane, & post. vij.dies, si urina fuerit tur-
bida & rufa, & nil superiora profuerint, balneo utatur, & fomentetur ex aqua & oleo, & post fo-
mentum phlebotometur de media uena dextræ brachij. ¶ Epithema ad omnes acutas febres. Rx.ro.semi-
nis portulacæ, sandali albi & rubri. añ.3.ij.tragacanthæ parum, tempera cum aqua rosea, aut suc-
co mali granati, uel uuæ lupinæ. Si uero uolueris ut dormiat, ungantur frons, & nares, & aures, ex
oleo uiolato: & lacte mulieris, & pedes loti in aqua, in qua papauer, & semē lactucæ, uel ipsæ her-
bæ decoctæ sunt, ungātur. ¶ Antidotum ad idem. Rx.sandali albi, citrini, & rubei. 3.i.tragacanthæ. 3.
f.rof. 3.iij.sacchari. 3.iij.syrupi quod sufficit. Cibos dabis succum oryzæ, aut alicæ, ius galli, pisces
saxatiles, poma frigidissima: de oleribus, lactucas cum aceto, portulacas, solanum, omnes cibos
parum salitos: dabis aquam frigidam, & mulsum de hydromelite: & si fuerit solutus, dabis ei cydo-
nium melle confectionem ita. Succi mali cydonij partem. i.mellis partes. ij.coque ad lendum ignem,
donec ueniat ad spissitudinem mellis, & dabis exinde mulsum. ¶ Epithema ad idem. Rx.mastiche, thu-
ris, fœnigræci, seminis lini, farinæ hordei, croci, omnia æquali pōdere, trita distempera cū uitello H
ouorum, & cum oleo ros. hoc modo confecto: tolle oleū, & rosas cū rore suo, & mitte simul in pu-
teū, aut in aqua uiuā per uiginti dies. postea tolle exinde, & pone ad Solem undecim diebus: po-
stea habeas ad umbrā: hoc oleum frigidissimum est, & si unixeris igneā febrē de hoc oleo, mitigat
eā, & solet eam amputare. Hæc eadem febris si fuerit in autumno, curabitur: si diatessaron tempe-
rabitur cum uiño, cum rubra, cum mulsa. Cibandi sunt talibus ut est far, simila, & granum bene co-
ctum, carnes pecudum, & pedes porcini, & gallinæ, uinum album & leue. In tempore hyemis, si
fuerit cum typo, curabitur cū mulsa, & hydrocopio, & rubra: & si sine typo fuerit, prolongabitur:
tlaxatiuum dabis cū aqua calida, cibos, carnes porcellorum, cerebella eorum, phasianos, et agre-
stia uolatilia. Quod si fuerit in tempore ueris, curabitur potionē rubra, & rosata simplici: quod re-
cipit croci orientalis. 3.i.traga. 3.i.succi liquiritiae. 3.i.seminis citru.melo. añ.3.i.rosæ. 3.iij.tempera
cum melle ro. & aqua rosea. ¶ Rhodosacchara ad idem. Accipe rosarum albarum lib.i.minutatim in-
cide rosas, & frica bene cū manibus ipsas cum saccharo, & pone in vase, & ligabis, ponasq; ad So-
lēt.lx.diebus donec bene coquatur, et nocte auferes. ¶ Diacydonion ad idem. Coctana mūdabis inte-
rius & exterius, & coques cum aqua bene, & in una libra pomorum, pone. ij.lib.sacchari, & iterū
coques ad spissitudinem, postea addes pulueris sandali rubri, & citrini añ.3.f.spodij. 3.vi.rosæ.
3.x.

† ap.lixoperii

taf.XL.

A 3. x. seminis portulacæ. 3. iiiij. succi liquiritiaæ, succi rhu. traga. seminis cucu. añ. 3. iiij. mannaæ, casiaefi-
stu. añ. 3. vi. croci. 3. ij. mastiches. 3. i. caphoræ. 3. i. adde syrapi uiolati simplicis quod sufficit. Cibos
dabis, succum oryzæ, aut alicæ, ius gallinæ, &c. sicut superius notum est.

De febre quartana cum typo.

Ad febrem quartanam cum typo, si fuerit in æstate, ante horam accessionis dabis potionem mu-
sam: si fuerit in hyeme, utantur potionem diae sulfuris, & dialthææ unguento: de cibis, utantur rapis,
porris coctis, & farre, & ciceribus: de carnibus, porcina, agnina, pedibus porcinis, gallinis: de po-
mis, malis cydonijs: de uino, neq; leui, neq; fortis.

Ad duplarem quartanam.

Ad duplarem quartanam, Adriano, & Panchresto temperatis utantur cum balsamo. quartana
si fuerit tempore ueris, curabitur potionem Esdræ, mixta cū potionem sancti Pauli, & musa enea. Un-
ctionem talem facimus: sinapi ungimus dorsum ante unam horam accessionis, cibos aut calidos
& stypticos damus: ut lepores, phasianos, perdices, anates, anseres: de leguminibus, granum bene
coctum, cicer, fabam fractam: de oleribus, foeniculum, capita raparum, rutas agrestes coctas, uinum
rubrum & forte. in æstate uero, ru. mixta cum theriaca mundissima cū uino temperata damus: & un-

B guento marciato ungimus totum corpus, ante unam horam accessionis prope ignem donec sudet,
& præterea hora accessionis, cibos aut superius diximus. Si tempore autumni uenerit, curabit po-
tione adriani, & diacalamithes, & trochiscis probatis ad quartanam. petrolætum dabis ad bibendum, cibos ue-
ro ut supra. ¶ Unguentum ad quartanam. Rx. cinnamo. 3. ij. croci. 3. i. myrrhæ, styracis, sagapeni, ana. 3. v.
laseris. 3. iiiij. gentianæ. 3. ij. mellis quod sufficit, da in modum lupini, cum aqua calida. ¶ Ad idem. O-
leo pulegino utere cum nepita. purgat stomachum, & thoracem, cæteraq; membra, ita ut prius uta
commistione sancti Pauli, & calidarum potionem, confricetur totum corpus cum uino austero.

De febribus ephemeras.

¶ Ad ephemeras febres. Si nascantur ex calore, utantur tenui balneo, & fomententur ex aqua calida,
& oleo: & bibant aquam frigidam, uel tenui uinum: & utantur frigida diaeta, scilicet cucurbita,
portulaca, malo matiano, uel syriaco, uel succo mali granati: de carnibus, pipionibus, syluaticis uo-
lucribus. Si autem ex frigore fuerint, ungatur stomachus oleo mastichino, quod recipit oleirof.
3. ij. mastiches. 3. iiij. costi. 3. i. rutæ uiridis. 3. ij. simul in oleo coquantur, & ex ea ungatur stomachus,
& detur potio diatripon pepereon. Diaeta, accipiant pecorinam carnem unius anni & agninam, &

C pipiones domesticos: & bibant uinum rubrum & subtile, & ferantur ad balneum calidum.

De synocha febre.

¶ Ad synocham. Si ex sanguine fit, uel ex cho. ru. phlebotoma in prima die, uel secunda, aut ad sum-
mum in. ij. die. si masculus fuerit, in dextro: si foemina, in sinistro: si uentrem habuerit constrictum,
clysterizabis ita: accipe succum cantabri, & maluas tunfas, coquantur cum oleo, deinde colato per
linteum, & utere. Si aut desiderauerit balneum, concede sibi, & utatur fomento ex calida, & oleo.
Diaeta utatur tali succo ptisanæ, & farre molli, & malis matianis, & syriacis, & pane in aqua.

De homotono.

Homotonus curabitur sic: potionem rosatam superius scriptam teneat sub lingua usq; dum li-
quescat, & saliuam eius glutiat. unctionem talem facimus. Oleo roseo frequenter ungimus caput,
& precordia. Epithema tale facimus. Rx. croci orientalis. 3. f. mastiches, olibani. aña. 3. i. ouorum asso-
rum uitelli quantum tibi uidetur: confice cum oleo roseo, & paucu aceti, super præcordia ponas.

¶ Item alia unctione. Oleum roseum, cū portulacæ succo, aut cū succo uerbenæ, aut cum suc. cucurbitæ
super præcordia pone. Diaetam talem damus: suc. alicæ & suc. oryzæ: à uino abstineat, sed in uulsa
atticam damus. ¶ Ad idem. Si uentrem constrictum habuerit: clysterizabis cum succo cantabri, aut

D bibat psyllium in tribus aquis lotam, & utatur malii granati succo, & malis, et pyris, & sorbis matu-
ris, & ungat unctione, quæ recipit succi semperiuuæ, suc. portulacæ, suc. rasuræ cucur. olei ros. ana
3. i. & ungatur ex his totum caput, præter loca ubi cerebrum est: epithemate utantur ut supra.

De causa.

Causus nascitur ex cho. ru. nimium sicca circa subtiliores uenas hepatis. Quæ his signis cognoscitur:
sitis, & insomnietas est magna, & alienatio prosequitur, & surditas, aut muti fiunt: quando
hæc signa ante triduum habuerint, quam febris fiat, dolor capitis sentitur, & buccinæ aurium, ipse
dolor cum forti ictu & tremore conficitur. Mederi oportet phlebotomo in principio curationis,
& frigida potionem, & frigida adiutoria necessaria sunt his, quæ supra diximus. Euacuetur autem
humor cholericus, extinguatur, & dissoluatur per sudorem, aut per uomitum, aut per uentris solu-
tionem. Certissime autem extinguitur si biberit aquam multam & nimis frigidam: etiam hydrome-
li bibat, aut lauacrum intret ut sudet, sed non descendat in solium, nec diutius moretur. De escis
uero nihil nisi ptisanam manducet.

De nephritica passione.

Ad nephriticam passionem, si fuerit ex cho. ru. in dextro latere, detur ei musa, uel iustinum mi-
nus, post elixaturam apij, & foeniculi, quæ conficitur ex corticibus eorum in aqua coctis. si fuerit
Spurij.

Ei in sinistro

GAL. ATTRIBVTVS ALTER

in sinistro latere; ex phlegmate uel cho. ni. detur ante adrianum, & iustinum maius, cum decocto E apij & petroselini macedonici. si fuerit sine febre, uinum bibat: si fuerit cum febre, aqua: & utantur emplastro ceronio, & fomentetur cum aqua calida, & succum crescionis per se bibant. Diæta ue-
ro, omnia calida & leuia: & utantur crescionibus, & alexandris, & urticis, petroselini, & apio, &
asparagis: de carnibus, porcina, agnina, hœdina: de uolatilibus, phasianis, perdicibus, turdis, fice-
dulis. de leguminibus, cicere: de piscibus, nullatenus: de uino, claro & rubro utantur.

De pleurite.

Ad pleuritam. Si fuerit ex sanguine, & spuerit sanguinem, phlebotoma de brachio eiusdem par-
tis. & cozumbrum coctum in patella cum mel. plagellæ imponatur ita, ut refrigerata altera cali-
da imponatur, si fuerit ex cho. ru. utatur electuario, quod recipit amygdalarum. 3.ij. pineæ mundate.
† 4. P. sandali. 3.ij. gummi saracenici. 3.i. tragaganthi albi uel rubri. 3.i. seminis citruli. melo. cucu. cucur. munda-
torum an. 3.i. tempera cum decoctione epithymi, amygdalæ purgatæ terantur, & ex suc. aqua infi-
ciatur, & ita bibat. Si ex phlegmate fuerit: accipiat pilulas ex sagapeno factas, & bibat decoctionem hyssopi cū aqua, uel puluere facto de caprisco cocto in pice in modū emplastrum utatur. Diæ-
ta uero sit, pultes, far molle, & amygdalæ, & bibat aquam eorum.

De phrenite.

Phrenitis si fuerit tempore ueris, curabit sic, Venæ, quæ in media fronte est post septem dies tan-
gimus, & eos sternutare facimus cum elle. albo, & euphorbij puluere. q. si sternutauerit, bonum.
unctionem facimus talem. oleo roseo, uel oleo uiol. frontem, & præcordia inungimus. & saepius
facie eius aqua frigida irrigamus, ut [non] dormiat. Si fuerit tempore aestatis, ungimus præcordia e-
ius cū oleo ro. & lucco semper uiuæ. ¶ Antidotum Basili, hemitriteis omnibus. 12. costi, carpopalsami, cel-
ticæ, gariophyllorū an. 3.i. croci. 3. i. nardostachyos, meliloti. an. 3.ij. casia fist. foliorum semperui.
foliorum an. 3.ij. mel. lib. i. aquæ lib. i. & f. aut. ij. tere, & infunde. ¶ Cataplasmum ad omnes febres. 12. lini
semen, hordeum, fœnugræ. absinthium, anethum, apium, petroseli. libysticum, & lupinos, ex supradic-
tis farina facta mittas oleum desuper, aut axungiam ueterem, & facto ita cataplasmate, induc in
linteolo, & calidum super stomachum impone: omnibus diebus mutando, & calefaciendo.

De diebus timendis.

Quisquis prima die cuiuscumque mensis in infirmitatem ceciderit, sequens. iiij. dies est timenda: quam
si transierit, usque ad triginta dies euadet. Qui uero secunda die deciderit. xiiij. timenda est: quā si trā-
sierit, diu euadet, licet ægrotans. Qui autem iiij. die deciderit, sine molestia liberabitur in proximo. Et q. in
quarta die inciderit in infirmitatem, grauiter usque ad xvij. diem infirmus erit, sed euadet. Quinta die G
ægrotans, licet grauiter patiat, euadet. Sexta die deciderit licet sanari uideat, quinta tamē die alterius
mensis moriet. Qui septima die deciderit, absque molestia liberabitur. Octaua die ægrotas, si nō
fuerit factus sanus usque ad xv. diem, moriet. Nona die ægrotans, quāuis cum summa molestia, euadet.
Decima die, qui deciderit, proculdubio morietur. Undecima die, qui deciderit, in proximo li-
berabitur. Duodecima die, qui deciderit, nisi liberatus fuerit in xv. die, moriet. Tertiadecimadi, qui deciderit, infirmus erit usque ad xviij. quā si transierit, euadet. Quartadecima die si quis decide-
rit, manebit usque ad xv. diem, & sic euadet. Quintadecima die si quis deciderit, nisi intra xix. dies
conualuerit, morietur. Sextadecima die si quis deciderit, licet per xxvij. dies molestia, tamē libe-
rabitur. Decima septima die decidens infirmus, usque ad. xviij. dies euadet. Decimaoctaua die deci-
dens subito sanabitur. Decimanona die decidens euadet similiter. Vigesima die decidens. v. die-
bus euadet, sed tamen sequenti mense moriet. Vigesimalis prima die ægrotas, nisi periculum mor-
tis incurrit, intra x. dies alterius mensis liberabitur. Vigesimalis secunda die decidens, licet. x. diebus
patiatur grauiter, liberabitur. Vigesimalis tertia die decidens, quamvis cum molestia, altero mense
liberabitur. Vigesimalis quarta die decidens ægrotans. xxvij. die, quasi liberabitur: attamen mense se-
quenti morietur. Vigesimalis quinta die decidens, licet aliquantulum patiatur, euadet. Vigesimalis H
exta die decidens non moriet. Vigesimalis septima die decidens, licet usque ad exitum patiatur, tamen
in altero mense liberabitur. Vigesimalis octaua die decidenti mors minat. Vigesimalis nona die deci-
dens ægrotans, paulatim altero mense liberabitur. Trigesima die, utrum infirmus euadat, dubium
est. Similiter, qui trigesimalis prima die ægrotauerit, utrum euadet, ignoratur.

De urina, & pulsu.

Quoniam & causarum omnium, & nonnullarum dimensiones, atque imminentis spiritus præ-
uidere difficile est, urinæ diuersitates, & uarios pulsus arguto stilo conscripsi: ne confusa ratione
medicinae uel ordinata quærenti pernoscere fecissent errorem.

De urina, & pulsu in febribus ephemeras.

Ephemerae febris pulsus est simplex, nō ualde inæqualis, aut sordidus, aut difficilis: quarum ex
urina, si guttam fuerit egressa, & patiens dolorem capitum senserit, hemorrhoidas scias esse uentu-
ras. Si uero ex animi ægritudine. i. tristitia, aut cupiditate, febris nata fuerit: pulsus eius est lassus, te-
nuis in principio: ita ut putas eum multis temporibus ex longinqua infirmitate ægrotasse. urina
in his rufior inuenitur, q. in cæteris ephemeras febribus. Si autem ex iracundia ægritudo nata fuerit,
& febris fuerit in magnitudine, & in nimietate: pulsus fit non minuens atque definens. Sicut in his,
qui